

- provodi i obezbjeđuje izvršavanje zakona i drugih propisa u oblasti za koju je osnovan;
- priprema prijedloge općinskih propisa iz oblasti lokalnog razvoja za općinskog načelnika i Općinsko vijeće;
- neposredno saraduje sa drugim općinskim službama za upravu, posebnim službama i sektorima, te vrši potrebnu komunikaciju sa Pravobranilaštvom Općine Stari Grad Sarajevo, i u situacijama kada se određeni postupci pokreću na inicijativu neke od općinskih službi, putem Pravobranilaštva Općine kao pravnog zastupnika, sva komunikacija (uključujući i prikupljanje neophodne dokumentacije) se obavlja neposredno između službe koja je inicirala postupak i nadležne službe;
- provodi općinsku politiku utvrđenu Strategijom razvoja Općine, te kreira i provodi akcione planove i programe rada;
- predlaže i provodi politiku razvoja i upravljanja prirodnim i turističkim resursima;
- vrši stručne analize i priprema izvještaje i informacije za potrebe općinskog načelnika;
- obezbjeđuje kontinuirano praćenje provedbe strateških planskih dokumenata, ažurira i inicira izradu projektnih prijedloga;
- razvija projektni pristup i izrađuje programe kojima Općina aplicira prema domaćim i stranim donatorskim sredstvima;
- razvija projektni pristup realizacije razvojnih prioriteta na nivou Općine;
- provodi i unapređuje proceduru saradnje sa nevladinim organizacijama i organizacijama civilnog društva;
- obezbjeđuje izradu aplikacija po standardnim procedurama za finansiranje projektnih prijedloga Općine;
- obezbjeđuje prezentacije i promocije projekata Općine;
- vrši stručne, administrativne i druge poslove obezbjeđenja neposrednog učešća građana u odlučivanju o lokalnim poslovima iz djelokruga organa mjesnih zajednica;
- vrši stručne, administrativne i druge poslove za potrebe građana, savjeta mjesnih zajednica, komisija i drugih stručnih tijela mjesnih zajednica;
- vodi evidencije o bitnim pokazateljima stanja u mjesnim zajednicama i aktivnostima koje se poduzimaju;
- prati stanje u oblasti za koju je osnovana, te nadležnim organima predlaže preduzimanje odgovarajućih mjera;

- obavlja i druge poslove iz oblasti za koju je osnovana"...

Član 4.

Dosadašnji članovi Odluke o organizaciji službi Općine Stari Grad Sarajevo ("Službene novine Kantona Sarajevo", broj 49/18) od člana 10. do člana 19. postaju članovi od člana 11. do člana 20.

Član 20. Odluke se briše.

Član 5.

U članu 21. Odluke briše se stav 1. dok tekst stava 2. i 3. istog člana postaju stav 1. i 2.

Ostale odredbe Odluke ostaju neizmijenjene.

Član 6.

Općinski načelnik će u roku od 30 dana od dana stupanja na snagu ovih izmjena i dopuna Odluke donijeti Izmjene i dopune Pravilnika o unutrašnjoj organizaciji službi Općine Stari Grad Sarajevo broj 01-05-4-2479/18 od 06.12.2018. godine i broj 01-05-4-711/19 od 07.03.2019. godine u dijelu teksta Pravilnika koji se odnosi na izmjene ove Odluke i utvrditi sistematizaciju radnih mjesta državnih službenika i namještenika u službama Općine u kojim je došlo do izmjene.

Član 7.

Postojeće općinske službe za koje je u organizacionom smislu izvršena izmjena i dopuna u tekstu Odluke, će obavljati poslove iz okvira svoje nadležnosti do donošenja pripadajućih izmjena i dopuna Pravilnika o unutrašnjoj organizaciji službi Općine Stari Grad Sarajevo broj 01-05-4-2479/18 od 06.12.2018. godine i broj 01-05-4-711/19 od 07.03.2019. godine.

Član 8.

Ove izmjene i dopune Odluke primjenjivat će se zajedno sa tekstom Odluke o organizaciji službi Općine Stari Grad Sarajevo ("Službene novine Kantona Sarajevo", broj 49/18) i Izmjena i dopuna Odluke o organizaciji službi Općine Stari Grad Sarajevo ("Službene novine Kantona Sarajevo", broj 7/19).

Član 9.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 01-05-4-2044/19

17. juna 2019. godine

Sarajevo

Općinski načelnik

Mr. Ibrahim Hadžibajrić, s. r.

OPĆINA TRNOVO

Općinsko vijeće

Na osnovu člana 24. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 18. sjednici održanoj 31.05.2019. godine, donosi

ODLUKU

O USVAJANJU IZVJEŠTAJA O RADU JKP "TRNOVO" D.O.O. TRNOVO ZA 2018. GODINU

Član 1.

Usvaja se Izvještaj o radu i finansijskom poslovanju JKP "Trnovo" d.o.o. Trnovo za period 01.01.-31.12.2018. godinu.

Član 2.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2658/19

07. juna 2019. godine

Trnovo

Predsjedavajuća

Općinskog vijeća Trnovo

Emina Mehmedagić, s. r.

Odluka objavljena na oglasnoj ploči Općine Trnovo dana 07.06.2019. godine.

Na osnovu člana 16., tačka 4. Zakona o zaštiti od požara i vatrogastvu ("Službene novine Federacije BiH", broj 64/09) i člana 24. Statuta Općine Trnovo ("Službene novine Kantona

Sarajevo", broj 12/08) Općinsko vijeće Općine Trnovo na 18. sjednici održanoj dana 31.05.2019. godine donijelo je

ODLUKU

O USVAJANJU PROCJENE UGROŽENOSTI OD POŽARA

Član 1.

Ovom Odlukom usvaja se Procjena ugroženosti od požara za prostor Općine Trnovo.

Član 2.

Procjena ugroženosti od požara izrađena je u skladu sa Metodologijom za izradu procjene ugroženosti od požara ("Službene novine Federacije BiH", broj 8/11) od strane Agencije za zaštitu ljudi i imovine "INZA" d.o.o. Sarajevo, zakonom ovlaštena za obavljanje stručnih poslova iz oblasti zaštite od požara.

Član 3.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-2648/19

07. juna 2019. godine

Trnovo

Predsjedavajuća

Općinskog vijeća Trnovo

Emina Mehmedagić, s. r.

Odluka objavljena na oglasnoj ploči Općine Trnovo dana 07.06.2019. godine.